

Nowodhow an Seythen

22 / 09 / 08

Omdhon gorthsosiell re godhas... mes tus yowynk a lever i dhe vos devnydhys a-vel askus. An kreslu eth dhe jiow yn Rysrudh yn unn wovyn a'n pyth a grys tus an dre a-dro dhe'n curfew. I a vysytyas pub chi dhe Vre an Gew.

Sodhogyon an kreslu a grys drogober dhe godha dre deg kansran ha tri ugens.

**

Ny yll Kernow sortya hy meneth a skoll heb kowlloskva.

Henn yw an gwarnyans warlergh an Konsel.

Yth esa kuntellyans y'n seythen yw passys synsys gans an kaskyrgh erbyn an towl.

Eseli a grys bos an drehevians tewlys war an tyller kamm... ha bos namm bras y'n skians.

**

MRSA re skynnas orth Trelysk.

Seytek person a gachyas an dises ynter mis Ebryl ha Metheven.

Henn yw an brassa niver a-ji diw vledhen.

Y teu an nowodhow ma ha klavjiow erell a-hys Breten Veur ow terivas trogh y'n niverow.

**

Mordardhewgh yn salow po hwi a vydh keskys gans ASBO.

Yma an Kreslu ow tos ha bos hardh erbyn an re na syw aga husul a-dro dhe sawder war an treth.

Dalleth patrollya an treth dhe Sennen nessa hav a wra sodhogyon dyskys yn selwel bewnans.

Y teu hemma ha ni ow klewes bos nebes mordardhoryon ow mos y'n mor heb lesh.

Nebes anedha a re ogas dhe neuvoryon ynwedh.

**

Ottomma an fordh Gernewek erhys nans yw lies degbledhen.

Lemmyn yma kerri owth usya an A-etek-warn-ugens a-der-dro dhe Dobwalls.

Kost an fordh o dew peuns ha dew ugens milvil.

Kynth eus kerri warnedhi lemmyn... yma hwath ober dh'y wul kyns hy bos gorfennys.

**

<Sport>

Truedhek yw sportwas Olympek Kernewek.

Wosa traynya moy yes unn vledhen... golyas Mylor, Tom Phipps a lever bos y resek tennys dhyworth an rol hwarvosow dew-vil-ha-dewdhek.

**

Ha Rygbi...

An Vorladron a waynyas erbyn Otley yn Kenedhlek Onan... unnek poynt warn ugens dhe bymp warn ugens.

Kenedhlek Dew... Bay an Meneth a gollas erbyn Stourbridge... fethys ens peswar poynt ha dew ugens dhe dredhek.

Hwedhel gwell yw dhe Rysrudh. i a waynyas pub a'n pyp poynt erbyn Blaydon.

Pennseythen dha o dhe'n Para Oll-Du keffrys... I a fethas Waterloo yn krev... etek poynt ha dew ugens dhe naw.

**

Henn yw oll an seythen ma... y fydh moy nowodhow yn Kernewek nessa seythen... ha goslowewgh orthiv ynwedh der Radyo an Gernewegva.